

漑

堂

詩

集

既堂續集卷之五

焦獲孫枝蔚人

癸丑樂府

思悲翁

少年尚智勇作事無狼狽魯連能射書周處善除害不
愛七尺軀妄圖萬里外螳螂劍可倚東海鯨可膾百年
何迅速萬慮難淘汰不成棄已雖漸欲謀棺蓋歸來坐
窺牖氣味如蒿艾女贊既已長男禮行復大用張貧與
黔婁同累較向平最隣里轉相哀英雄何足賴

癸丑五言古詩

房衍公孝廉與予一見後朝夕不能相離在長安

得此友尤不易也因感贈三首

桃李花滿城無人看松栢高賢忽見之愛其長千尺坐
卧不相離流連朝夕紅塵污蒼翠頗爲此樹惜奈別
清冷泉雖依巉巖石可弔亦可賀邂逅青雲客須知房
次律房琯爲永
和師後身不讓陶貞白

京雒何煌煌相府何潭潭飽馬鳴聲騶飢人心自慙性
拙不識路動迷北與南君家慣出入門巷乃獨諳令兄

武庫司馬
家居燕歸遲每留宿永夜聞高談我何所取無乃

荷包瀕不見橄欖子羞與聚爭甘回味豈不作百吐或

一合

風塵困公車江湖老舟楫相見苦不蚤我鬢白難緝結

交半海內逢君意最愜潸然名利場議論無枝葉三日
不食而韝驢來相接知我徒步艱又復上馬怯感君好
意氣因之倒篋篋薄技何足觀所期樹大業少陵師蘓
李長吟求妥帖如何近世人徒然誇敏捷小心作者塗
于載光同暉

徐州獨無戒石不知廢自何時五兄大宗到任之
初亟覓工刻碑將朝夕見而自省焉蔚聞兄言喜
其與古人行事有合也因援筆紀之

州縣立戒石其來蓋已久宋室雖丘墟遺訓垂不朽不
顧膏脂豈肯念俸祿厚下民誠易求上蒼可欺否徐州
久缺員石廢誰之咎或繇貪墨吏或經地震後吾兄甫

至州太息常在口謂此宜亟舉箴銘勝座右便欲立碑
亭將以儆官守因憶王龜齡入夔詩可取當時修戒石
太歲方在酉摩娑石上字瓊奇愛黃九命工設欄檻護
持計不苟豈惟藉自省勸勉及僚友兄意與相符同是
民父母清白遺遙滕頌聲流黔首天道苟不遠金章卽
到手施愚山人曰古人
之事古人之言

燕子樓有序

予嘗讀關盼盼和白樂天詩而傷之夫既守節至十
年之久雖更二十三年當無異也雖終身不死未
害其爲節婦也觀其和詩之工必誦書達禮者其不
與張僕射建封同死固白云恐彰好色之失耳燕子

樓題咏甚多未有及此者余故特爲表出

彭城我再到燕羽正池經過燕子樓城上長蒿藜或
言關盼盼雖死無乃泥白楊可作柱紅顏亦已衰君請
聽我言於禮故有之不見魯文伯內人行哭時賢母語
弔客此子與禮違不見楚昭王有蔡姬越姬蔡姬許以
死越姬獨相非苟死成君過敢取後世譏盼盼讀此書
定然喜得師待至十年後泉路亦易追恩生遭亂世所
遇驚且悲紛紛偷生者反面無不爲道喪風俗壞運去
人心移誰如張公妾肯死樂天詩

癸丑七言古詩

夢研歌爲汪季角舍人賦

汪舍人狂且迂夜夢亦與常人殊覺來猶自成歡呼但
道世間尤物罕與俱同衾艷婦勝當壚欲問未問心躊
躇或到巫山神女居不然所得明月珠研數云與巫峰
符傾城一笑真腐儒曉起題詩信手書覺比江淹才有
餘斷窗舍人事可吁嗚呼豈堪作汝奴自述高門蕩若
途直入廣廈無所虞四面列几一塵無寶研縱橫好形
模漢廷馬肝質較粗魏家銅雀瓦不如不知誰氏居此
與或卿或相士大夫終朝弄此相戲娛不暇包裹亟取
諸懷歸但尋間道趨笑君夢中辨太疎富貴那得閒須
臾肯蓄多石勞其軀我聞神仙不煩愚友人在天理非
誣應是杜韓與陸蘇如今各字列清虛感君相賞手研

朱

等角送日臨晴四家詩將合送成集行世

鍾嶸殷璠德不孤報以多研徒

區區願若千載享令來

施愚山曰此夢詩詩城門初當不日

再題汪舍人十二研齋歌

曾登百尺梧桐閣復來十二研齋中
梧合卷阿鳳凰至研與莊生蝴蝶同
齊名好奇復近幻無乃以此警情慵
咎云志趣誠各別有如將冰語夏蟲
樹蕙寧嫌九畹豐使我坐擁金釵十二行
何如此石一走蛟龍尋思君言殊有理
愧爲賓客嘆君窮君苗一研尚須焚士衡
何意許相從善舞固宜長袖女善賈斷
屬多財翁舍人自此名更大尚方筆札下
九重鬼神於汝真用意餘人妄想夢魂通
我歸但掩柴扉卧起卽開

清江雜錄 卷之五
杜看山筇及池竈煤無所用屢月但憑塵土封雖少才
名共三益却免剝啄驚雙僮痴守蓬蒿亦不惡夢中誰
要見周公故人文債方爲累聞此一笑悔忽忽

送王子重下第歸里

男兒意氣雄九州一生遭遇難預謀管子何曾病三走
卞和亦得傳千秋才如王生竟不第益信鬼神擅權勢
久識超宗有鳳毛西公爲謂來人也莫學蘓秦嘆貂傲昨朝相
見告歸期愧無錢酒勞臨岐自笑奇窮如昌谷聊歌一
解贈亞之

清明觀遊女作

百歲光陰如逝川清明花鳥又依然烏髭銜肉或銜紙

海棠含雨復含煙，香車寶馬紛如許。處處賞花開笑語，
無人愛看尸陀林。使我長慚七賢女。

任明府捉賊歌

滕縣東山十三寨，招安諸賊歸其內。寧以之徒使操束，
鷹雖化鳩眼猶在一賊藏身。匪徒快狡猾頗得上官愛，
屬邑桃李豈易成荆棘被龍門墻壞強人人家奪人妻。
野雞豈是鴛鴦對，書生計出賊意外。上馬身輕箭滿袋，
率領獵徒當歲首。狐兔擒來嫌細碎，吏胥曾不知所爲。
此賊何繇施狡獪，親入虎穴縛虎兒。誘虎視兒離草萊，
執法請除百姓害。上官聞之翻見怪，看君能用皋陶刑。
塵中肯下安仁拜，至今滕縣月明中。無復當時舊犬吠。

癸丑五言律詩

贈梁峒樵舍人

姓字兒曹熟

予諸子行能熟誦峒樵集

科名故國傳知君非一日

相見值衰年意氣真傾蓋壺觴那惜錢長貧亦堪

馬繫門前

書生羞俗吏載筆正相宜

皇甫仲齊中書王舍人詩腰金載筆

官似

廣文冷才如天馬奇輕風鳩鵲殿細雨鳳凰池寒食又

將至舍人應有詩

先生耽麴蘖夙有晉人風痛飲仍燕市愁吟笑杜翁身

應從羽獵家英憶空同止在賦就聞天子何愁酒蓋

空

贈李聖年孝廉

明倫彙編 家範典

文史東方朔賢良董仲舒徒然能射策只自困公車愁
坐老松下病眠紅杏初思歸歸易得美爾有田廬

贈房興公樞部

匣裏豐城劍猶聞夜吐光郎官居武庫星宿並文昌他
日平津閣終朝北海觴雲霄知易致賓客日相望
宦向京師達交於老大真鳴珂重鄉里倒屣及親隣荆
樹三株盛宛駒萬里馴惟聞述先德腸斷鼎湖臣
接物名逾大爲官道更通近知閒有咏因驗靜多功獨
宿嘆驚燕中宵夢華嵩伴惟同史好價重奈囊空

居官亦良苦幽事慮相妨未暇親茶竈何曾遠筆牀杯

添櫻簪候食共弟兄行樂此輕朱紱無人識爾狂
惟勤堪補拙得趣向誰陳愛爾無他嗜求爲有用身光
陰同過客博奕任如神賭墅雖賢者應慙運幾人
斗室真清絕繁華君所羞陳寤勝珠玉法物辨商周舊
自豐城購新從廟市收更披金石錄思與古人遊
無數長安客漁樵心自驚善交惟晏子舉世棄君平輕
服同袍意囊製紗袍見贈高齋下榻情淹留不覺久夜醉復朝
醒

贈周星公光祿

娛親方愛日事主再朝天大隱金門裏長貧玉食前紫
薇刪故物紅橘奉高年顏謝行光祿詩名爾並傳

長安裘馬地古道似君稀
薄俸每沽酒寒天竹解衣
狂名吾自厭拙計衆相譏
惟喜飄零日論文願不違

潘楚吟名其書屋曰停帆閣題

居與牽船異身應向世慵
停帆真可賀戴笠許相從
燕市人如海朱門馬似龍
風波此中惡爾意獨從容

房衍公每以治生養生相勸因有贈

好奇兄與弟來往已多年
與爾遲相見依人正自憐
客愁消並榻生計勸求田
老日饒鄉思從今益浩然
學道自何日談玄真可聽
出門尋羽士拭几展丹經
應識金銀氣習觀龍虎形
吾慙衰白甚亦漸惡華服

京師寓中閱劉貢父中山詩話有感

詩話石曼卿獨行京師一豪士抵之而語曰公幸過
我家石許之同入委巷抵大第藻飾宏麗錦繡珠翠
殆非人間所擬歌舞歡聲可謂爲卿等筆驛詩數篇
以金帛數百千贈之復使騎從送還恍然不知其誰
翌日召無復省所居矣他日遇諸塗又遺以白金數
兩謂曰許中意中流水遠愁外青山青最爲佳句
長貧棄鄉縣垂老入京城米價從來貴錢囊到處輕
舊山青入夢流水遠無聲豪士如今少誰憐石曼卿

贈滕縣任明府淑源

太瘦驚相見艱難爲我言一河輪晚盡時方督催可大卿料兩驛
往來煩潤澤定何似井田難再論古時見才地滕薛事
偏繁

傲性依然在狂歌揔不如朝炊連藥餌夜寢抱文書道
上芻蕘滿堦前花木疎何繇聞殿陛爲爾意躊躇

儘有虧堪盡無琴可張到官翻敗意遣婦却還鄉天
上雙鳬影宵來列宿光後人增羨慕何川獨淒涼
昨效陶彭澤公然乞早歸上官齊勸慰父老最瞻依共
識宦情淡誰言公道非得名應不偶囊橐看人肥
癸丑七言律詩

懋曾庭間下第

崎嶇萬里頭將白樵悴青春杏正紅絕塞封侯曾未遂
高樓少婦久成空庭間近來還安學道誓不更娶千篇自信詩無敵二
北誰言戰有功爲問大羅天上客可知成佛讓英雄

彭城懷古追和潘蜀藻八詠

彭祖井

在城東門內相傳彭祖
親井而覆以輪卽此

顓頊玄孫久不在彭城遺井且閒臨當時已並龜蛇壽
此地曾懷恐懼心綵女豈堪傳道術殷王誰肯聽朝箴
先生到處如觀井回首人間殺氣深

附蜀藻詩

城邊古井覆春莎未必泉通濁水河却訝老彭偏跼
躄直數年壽欲如何養生詎有神仙術遠害還緣恐
懼多莫怪世人軀命促更從湖海狎風波

子房山

絕少雞聲過短牆惟看秋草滿山黃人心昔日全歸漢
此地千秋尚祀張銷印非關忘五世散兵終不敵三章
山即雞鳴山相傳
以散楚兵處可憐帝業須成就負却初心說項梁

房曾說項梁篇
詩公于其爲工

附蜀藻詩

雞鳴山下暮煙平此地曾聞散楚兵
五世相韓身未許一生爲漢自分明
袖椎已釋先人恨銷印應無故國情
誰使羸王猶口實事仇翻託報仇名

放鶴亭

在雲龍山

山人昔日此躬耕元祐年間尚太平
世上已傳經義說時王介甫三經新義
力行東坡謂之新說河邊未識鼓鼙聲
孤僮慣上雲龍卧病馬長隨野鶴行
東坡遇雲龍山人詩孤鶴行傳卧斜日病馬放牧州江北雖然
梅樹少卽看梨棗也怡情

附蜀藻詩

雲龍缺處補煙霞細認當年隱者家除却使君無伴

侶

蘇子瞻詩慣與先生爲酒伴

只憑放鶴作生涯聽殘清唳松陰

杳舞罷玄裳月影斜底事不如林處士山前山後種

梅花

黃樓

黃樓臨水勢崢嶸經始當年不日成慈父但哀窮赤子

河神亦畏老書生孤忠直與王尊並遺愛翻看召伯輕

却爲居官徒自苦終朝只是想歸耕

東坡過雲龍張山人詩吾生如寄耳

歸計失不早又避百步洪相地築亭俾即詩云劍閣大道車力執若自不去歸何難

附蜀藻詩

黃河河上有黃樓樓自崔嵬河自流豈是亭臺能鎮

歷祇緣威德足懷柔魚翻鱗浪回千里龍抱驪珠徙
十洲不信請看今刺史三年霖雨護神州

公在任三年

戲馬臺

荒臺築自楚重瞳馳騁中原虎視同戰馬千金多異種
將軍八載壓羣雄如何意氣銷垓下徒爾悲歌哭帳中
亭長慙慙却相待開船咫尺是江東

施愚山曰重瞳故自
英雄先生不肯抹倒

附蜀藻詩

楚王項籍渡河來叱咤長驅萬壑哀豈有沐猴真帝
子祇將逐鹿假龍媒揮鞭自合千人廢失路偏無一
騎回誰道漢家非馬上不曾兒戲起高臺

亞父塚

七十老人奇計多鴻門無奈沛公何可憐亞父虛當國
爭及良禽早擇柯泉下莫驚身道路墳前曾是楚山河
猶勝義帝江中死終古悲風捲白波

施愚山曰亞父泉下恐亦難見義帝

附蜀藻詩

謀臣亡後霸圖空尚有穹碑茂草中龍氣既然成五
采鴻門何必怨重瞳三章無計除苛政十罪曾難效
小忠漫道一增猶未用良平智不與君同

泰興道中

路入延令竹木幽江湖曲折遠村流蒔花稻穗迎雙寺
白雲黃雲亂九秋自笑書生但餬口相逢農父欲低頭

幸無旱潦災隣邑不礙琴書訪舊遊

九日社集朱紹芳半舟

重陽天氣似花朝吹帽無風物色饒
屋裏麝香傳元亮菊
門前水接大江潮
歌呼自向深更慣
口腹真從澤國驕
莫怪野人狂太劇
自年哀樂寄蕭蕭

坐朱紹芳半舟留題

兩面秋風池館涼
一堆書畫米家航
濟川身老才空擲
泛宅情深事易妨
煙月每逢歌管處
波瀾難到酒壺旁
坐中客在秦中住
錯認葭葭水一方

癸丑七言絕句

族侄斗槎登第喜而有作

看花未暇便趨庭得句何妨癡叔聽白首紛紛似張倬
登科記當佛名經

爲人夙昔耻驕矜宴罷瓊林喜不勝族叔但饒莊子癖
却如海上看鯢鰔

六月十九夜徐州署中與客同坐月下忽有白虹
見於月之西移時雨至而月明如故賦一絕志之
夜虹曾見紹興年老眼驚看客未眠欲向時人問災異
梅溪當日亦茫然

愁蠟

徐州足蠟似秦中短夜無眠愁老翁家在江都別來久
何時照壁見蜈蚣

州士有送茉莉花及桂樹者賞玩之餘因成小詩四
首呈五兄大宗

茉莉

茉莉花疑抹利花古來栽種只山家自從時世人心變
香味但蒙兒女誇

盆花特贈自州人名字梅溪辨未真

王梅溪有見沒利花詩又辨二道人

以抹利及東山蘭爲贈詩自注云抹利見佛經名義未
寔或云沒者無也謂聞此香者令人覺悟而好利之心
沒故前作沒利此且喜對花無愧色兄爲廉吏弟長貧

桂樹

愛花非是使君貪古署蕭然類野菴笑謂此花來不遠
徐州封壤接淮南

待得花開八月中逍遙堂卽廣寒宮

堂在州宅內

山人只與

桂無分歸去難冠花正紅

予于七月初歸廣陵

逍遙堂有懷

彭城太守氣如虹早退曾期兄弟同自謂形容勝黨錮

豈知名在黨人中

東坡詩舊勝相逢不相識形容變盡語音存益用夏腹事

堂前松竹樹全無

子錄詩風吹松竹雨妻妾

入夜依然風雨俱頭白

自慙問道晚暫來還去畧相符

早睡

垂老英雄道士旁烏啼人靜步空廊閒中轉覺愁無那

只被鐘聲催上牀

施愚山曰余讀書每近三鼓急就枕恒謂更柝催人睡也

申寅五言古詩

題圖詩十二首

甲寅孟春汪生伯先生七十初度先生行誼類前賢者親友繪圖以介壽蔭同三賓賢製詩

劉股授七子經史圖

教子樂有成經史爲根本學術貴精專甫田費蔭葵長盛昔多男門庭最煥爛七業全第興北方科苑登堂何所聞誦聲清且婉丈人樂何如聽此加餐飯父子兄弟間品如蘭在哢寄謝浮薄人堂廬可以返

王祐三槐圖

雷雨雖在天亦復在吾手善人如陽春生意一何厚昔公德最深彥卿曾知否彼冤幸已白吾退何足醜種樹

告樹神人與樹同壽其上百鳥巢其下三公走此意豈
荒唐乎公堪尚友三株亦異絕效靈無不有

虞玩之卻展圖

虞公所著殿歲月亦已悠莢斷接以芒儉德誰與儔新
展豈不好云非臣所求著簪與弊席曾可棄之不齊主
善其對拜官聊汝酬宋宋俗方敝朝士尚風流散鬢何
爲者籍憤炫人眸臧否雖無恕請君勿相尤

陶侃運甓圖

士行能習勸孔明之流亞當其守廣州郡齋頗多暇運
甓乃卒有以此忙曉夜曰余聞古聖惜陰造有復如何
效優游竟以成風化君力有川時未竭難自罷中原事

如此老莊焉足藉請看運甓人破賊石頭下

劉疑之散錢圖

劉生隱衡門好施曾無倦賢主慮其餒餉以錢十萬答書自稱僕頓首謝繼綵尋嘗輕此物喜色忽盈而歲饑民正貧充腸惟藜苳持此散市門豈不適吾願吾腹亦易飽吾用亦易周仍乘游策車且偕老妻遊

王烈感化鄉人圖

君子能化俗不必在朝廷彥方居鄉日功勝政與刑取布遺偷兒知恥云可矜此兒遂改行終以善人稱仁里信爲美無人詣訟廳曲直俱須質望慮心已平折獄推聖門片言僕其能斯人若得位爭訟何繇興

范仲淹義庄圖

范公贍其族德澤垂無涯置田名義庄千畝何多族人荷鋤出歸每及棲鴉固是勤力作亦以酬恩波年年好風雨先熟義庄禾老幼坐樹下相與頌且歌晏子爲齊相待炊數百家沾惠雖一時久遠當如何

祁成子反壁圖

意氣生杯酒患難無交親賢哉祁成子一觴成故人酒間受重寄徬徨夜達晨預知爾作難果及殺臣妻子荷分宅再拜長者前他日語孤兒曰有故簠存仲尼不妄譽嘆其智且仁者可託財知幾其如神

楚丘先生說孟嘗結圖

尚父與方叔詩人稱其美老成實難得少壯焉足倚魯
連啗田文謂之不好士果然七十翁乃以老見鄙先生
但一笑春秋誠高矣亦不能搏虎亦不能逐雉出詞當
諸侯決疑定國是未知坐上客誰復能辦此

龐德公釋耕荅荊州刺史圖

龐公齒與德諸葛所父事刑于無忌容偕老有高致刺
史亦賢者田間能躬詣笑指膝下人豈得無所遺高林
巢鴻鵠深淵戲龍檻物亦識安危防彼罟與羅子孫守
耒耜所遺豈不多刺史默然別海內正持戈

衛武公規箴圖

堯謂舜多辱曾被封人啗聖人能修德夫何慮辱爲衛

武識此意毫日自作詩抑抑德之隅溫溫德之基旅賁
與贇御其職蓋已甲赫然爲君侯不敢棄箴規古來富
貴塲齡齒罕與齊大德者必壽斯言不我欺

萬石君家居圖

漢庭方重儒文多奈質少慎哉萬石君子孫無儼佻太
后聞其名是時君已老少長齊拜官亦足榮壽考誰謂
君無文動與古禮俱慶也守父訓入里必下車下車雖
一節豈不勝相如相如過故鄉邦君負弩驅

亂中再入滕縣贈任明府

烽火靜已久謂可聞絃歌雨露私善地歲豐五穀嘉河
決頻爲災民力尚可嗟柳料費轉輸絡繹惟斗車遘亂

又如此驛通何宜譚朝迎式夕接御明府疲

奔走百姓當奈何小心供差役各如勤其家勞民民不

怨得此亦足誇將軍過縣去不損道旁花

吳野人曰勝他人德政詩

多少施愚山曰賢將軍亦難得

壽周雪客母馮太孺人六十

夫子昔游宦二親居里中登山望白雲憂如狄梁公寄書與賢婦慎無忘曲從苟非婦之孝誰成臣之忠供養曾不怠聞者稱女宗只今頭已白奉祀禮必恭采蘋咏召南七誠著扶風竭誠既不忝受祿亦齊豐

不老誠不易不妬亦良難誰如鮑蘓妻答姒有正言所

以表門閭宋公敬其賢阿母德如之五男舞堦前

母所生

子雪客 不知誰所出但覺中心歡今朝齊進酒一一綵
衣鮮願母億千歲長受君恩寬

題三子聯句圖

有序

徐原一翰林與姜四溪文學集飲正季川舍人愛開
原一之門人高生亦與焉適善畫者禹生在席因命
作是圖季川爲記

屬余題詩其後

姜子負才名揚馬謂可儔落落性寡合夜光難暗投翰
林與舍人傾蓋最綢繆宴集偶聯句因復寫爲圖侍立
惟高生門牆亦勝流但能悅吾道何必煩唱酬我詩題
卷後援筆一長吁交道世久喪名譽非所謀文章如鴻
毛勢利如山丘所以布衣人出門恒低頭若非將羽徑
誰能來羊求

昔聞王秀之曾慕宗敬微爲像與已對所樂永相依李
賀繡平原吾嘗笑其非同心實難得好客安足希徐君
與姜汪況復生同時宴會偶然事公然付畫師趣與古
人協像今後世思二君名最盛爵位亦不卑姜子在泥
塗鬱鬱獨可悲請問河東賦吹噓當仗誰

題金太守長真小像

劉中桐樹三林上有白雲觀之
主人據几而坐把筆如有所思

畫永池館清亭午桐陰厚中有盛名人據几科其首疑
是韋蘄州宴坐焚香久意與雲俱遲緩筆初在手題詩
將寄誰新知或舊友

先生經世人豈獨工詩筆升青如虎頭但能得其一汲

黯在淮陽卧治事已畢馬援守隴西白事懶更詰大體
雖足尚庶務亦未悉時危况不然軍需無停日於此心
能閒信得弄丸術畫師良有意高才畧寫出簿書無填
委文墨轉親密

甲寅弋言古詩

壕有水歌爲任明府作

去年過滕縣但見城壕不見水今年過滕縣壕中有水
深如此滕人爲我言壕水久乾蓋有以凡事辨公私公
者易成私易毀城壕事雖公苟非其人誰料理貪吏苦
畏人偶舉一事輒中止也不得廉吏於今二十餘年矣
境內多流泉二十七處分遠邇惟有五道泉引之可到

此壕裏水昔何繇塞直走運河失舊址漕運關軍需壕
雖久涸憑涸耳水今何繇通賢侯清直政事美收泉先
築壩無人敢道工可已繞城還入河運亦不阻城足恃
復慮山水發壩遭衝決亦易北易土却爲石間閘洩水
永相倚一錢民不費曰有俸錢吾可使盜賊見此水策
馬臨壕愁溺死百姓見此水種柳栽荷釣魴鯉賢侯功
既成只今干戈紛道里有倚可無患城邊那怕黃塵起
聽此慰客懷作歌吾當呈知己實心行實政天下何事
無終始富貴勿徒然功業無聞何足齒惜哉磊落人未
免折腰長自恥

吳野人曰只將木道與治水委曲疏注而明莊德政自見奇文奇文

送進旦菴俊之淮安

迨生賣藥江都市高寄無慙古君子瓶中粟盡懶求人
自信善人窮不死今來別我入淮安君豈往持韓侯竿
欲答未答淚如雨江流戰血心膽寒城門未啓天欲曉
家家送殯車聲早我有慈親喪未舉何以爲兒况將老
許攻負土便成墳無田取土奈長貧所望脫駢師空聖
豈無餽絹出仁人用東坡助事
薦舉喪事與汝爲隣深可愧作詩
勸助畢吾事汝所交游多孝賢愛親及人豈有異

爲胃青若題廢花朝圖

葉濟生畫

君家愛客日開樽况值花朝春色繁三吾亭與蘭亭比
飲酒賦詩並難謏孝子今年謝賓客盡友明朝忽到門
滿幅烟雲何慘淡久看使我傷心魂亦無杜鵑來樹杪

亦無慈鳥啼耳根但覺樹欲靜時風不寧蕭蕭吹滿桃
李園對此不須見孝子襟袖依稀淚有痕乃知因母忌
辰花朝廢亦如蓼莪詩難存嗚呼此圖豈可少人誰無
母忘母恩却嘆骨生猶多幸事母多年清且溫我昔失
恃纔八齡祖母哀憐弱復惜與肉食之云有味慙愧程
曾昧吐吞復聞對帕聲哽咽張鑑亦或見扇涕潸潸張鑑
鳳諸賢都在孩提日萬古長看天眼昏君今儘有趨庭
樂但當侍立花前聽笑言何況丈人頭已白遭逢亂世
多煩冤我詩慎勿令聞之妻苦聲如三峽猿與誰同藏
篋笥裏他年惟可示子孫施趙山曰廢蓼莪後得此篇又添一故事

甲寅五言律詩

同楊吉公飲王天葉書齋兼觀圍棋次吉公韻

亂日欣蕩聚豐年值麥秋牧人才有用老我醉無憂
餅似春盤薄
新俗並非口笑
神既謂之春餅情如夏木稠爲貪鄉味美加

倍憶林丘

手談稱坐隱玉子響楸枰易義吾能問梅詩誰擬呈琴
書同得意勝負貴忘情老眼堪傷處長安事頗更
杜詩
聞道

長安似
奕棋

王亦退入學

有片

亦退弱冠卽負才不羈及年三十有工詩善射之譽
然落魄江湖久矣豪氣雄心一無所施始俛首取舉
子業稍復溫習之便書其於詩以勉之

烏衣舊門巷白眼閱飄零綵筆慙千騎陰符伴六經纔
稱干祿客便上采芹亭方岳客中寄詩明初佻達眼
中滿慎哉矜已青

楊吉公招同程穆倩邵孝威林伯逸泛舟納涼分
韻得川字今字

去郭園皆好臨流暑卽捐病餘貪俊味亂裏怪華筵風
柳搖如筴晴荷香上船不須却悲慨楊帝舊山川
上岸入花陰回船別竹林歡塲陪故舊老態笑吾今狂
省主賓禮樂知魚鳥心只言炎晝永不覺景西沉

席允叔招同程穆倩王九有李湯孫飲齋中

客爲論文至飲同河朔豪一京憑坐久三伏似秋高

是日

通得
快風
驛站馳戎馬
軍書插羽毛
皇天真用意
爛醉屬吾曹

中秋同桑楚執飲王天樂宜樓坐蕉下待月

招尋當今節况復有高樓
風起蕉聲動雲開桂影流
關山殊昔照甲馬亂今秋
陷酹何須慮團圞未易求

甲寅七言律詩

陪任明府遊劉若木岡林留飲花下卽席賦贈

遊子未歸將欲歸
名流相見可相依
養親自有園中笋
若木_{若木}留客長開樹下扉
春色便同潘岳縣花香特撲
老萊衣聽鵬更對盈樽消亂日惟憐此會稀

留別任明府

履荷漚留日把杯多年膠漆擬陳雷窮途念我髮如雪
什路看君心似灰戰馬愁聞城外過春花忍見別時開
海田閱歷真難料珍重當今濟世才

挽房發公文學

辛苦名場被折磨

東坡詩有
詩人較磨折

修文地下事如何才華

誰不羨三虎年齒猶應高四科別後音書絕歲月生前

雲樹隔山河算惟春艸對前路不待招魂魂蚤過

手足吾曾患不仁

客豐城
得此疾

煩君問訊久連晨擇醫想

觀倉公效饋藥因聞杜老貧客裏友朋同骨肉隔中感

佩難悲辛誰知老病吟猶活失却哀憐老病人

秋夜社集張與參宅同紀槃子黃仙裳范汝受余

來儀

羽檄連朝苦不停座中相對倍忘形華筵難向愁時見
佳句何妨醉裏聽詞客風波同宦海老年兄弟似晨星
近來意氣三韓盛我亦遶東舊管寧

與參遊東人

得徐松之汪晉賢書兼惠示雲山酬唱詩詩風刊
集賦此奉答

雨過江風送鯉魚剖魚未了意躊躇較之木李投何厚
想及隋珠報不如

張平子請何以報之明月珠

四海虜虎同伯仲前

身成陸重樵漁選詩懶效中州集應怕人看當史書

不謂小序不加評語

九日江叔定季角招飲見山樓同程穆倩姜西溟

徐原一

世短意多吾自悲，二難瀟灑愛吟詩。
學衡對字招尋慣，美景良辰酩酊宜。
家有高樓山最近，年無閨月菊何遲。
或言今年宜有閨月以節序驗之端
陽無猶火重九無菊花則其數似也。
笑聲亂落梧桐樹，忘記江頭羽檄馳。

宗定九東原九日見東次韻

重陽節過雨初殘，好友書來值午餐。
垂老多憂情對鏡，得詩狂喜似彈冠。
隣無白墮真堪詫，世少王弘亦可嘆。
須識高天長用意，美名成就賴酸寒。

赴金長真太守宴賦謝

郡中孝廉文學同賓者十六人

自遊家世苦可知，躬親馬草豈難爲。

用陸倕六未宅詩陽郡敘中語只

言杯似東坡小

東坡作太守時有詩云請君莫笑銀杯小爾來歲早果海官

不道樽

同北海持筆墨事尋兵過後管絃聲驗歲豐時終朝未

減論文興高會還酬賀雨詞

郡土作路莎行賀雨予亦有和作

五兄大宗重修彭祖樓有詩命和

故山雲母儘堪餐辛苦餘生也服官八百年高身未死

彭祖爲殷大夫殷王遣綠女從受房中之術行之有效欲殺彭祖以絕其術彭祖覺而逃去時年七八百耳非

爲死也見

兩三朝換意常酸彭城自古留仙蹟刺史登

樓望井欄新向樓頭懸扁額怕人錯認壽星看

扁額壽星狀弘嗣

字四

附五兄大宗詩

先生昔亦是人臣跨歷商周歲月新
豈獨養生能學

道誰如處亂竟全身構樓仍與井相望爲政難忘他
作隣從此愛看香火盛要令福壽及吾民

和五兄大宗重修燕子樓詩

經營豈獨愛斯民恩澤猶能及古人纔爲樓成閒得意
復緣詩就暗傷神天清日暖梁樓燕雨虛風簷瓦似鱗
彈壓河山憑志節城垣雖固讓麟岫

微禽那解伴多情歲歲雕梁相對鳴只爲美人能盡節
却教燕子亦傳名張公豈料勝王謝白傅偏能管死生
異代登樓愁極目打毬場上草縱橫

施恩山曰余過徐州絕句有題詩白傅多情甚留得春風燕子樓又爲香山解嘲

附五兄大宗詩

芳姿已似雨餘花燕子依然巢此家古瓦風吹易飄
落高樓日久奈欹斜城工幸早軍興日勝蹟難忘節
度衙化俗無能長自愧惟將吟吟向人誇
翠袖曾蒙僕射憐高樓異代尚巍然多情鳥亦依貞
妓好事吾嘗笑樂天但守故衾長獨卧遲歸黃土亦
堪傳莫言命似殘花盡萬古知名是大年

放鶴亭和五兄大宗

裴裏河山人畫圖却嫌奔走爲儲須纔催戰馬過城去
也放仙禽對客呼歸計還如熟賦晚家風曾見董生無
東坡贈張山人詩北
之天隨子董卿南
自從亭子新修後應有高人願與
俱

附五兄大宗詩

爲愛山家景物殊雲龍高處一長吁思歸田里何絲
得久走風塵未免愚馬草堆場煩檢點渡船編冊人
追呼幽人那易長相近放鶴亭前愧大蘓

渡船以
渡過兵

子房山祠和五兄大宗

楚兵一夜散何方萬古岡陵屬子房刺史可能師進退
游人誰復感興亡封侯曾慕神仙侶祠宇今臨山水旁
只是范增墳咫尺魂來魂去忍相望

附五兄大宗詩

子房勲業重千秋瞻仰平生頗偶酬此地誰知來薦
酒楚人何故也忘仇城東尚有高皇廟遺蹟兼傳異

姓侯自是古來公道事况看風景更銷憂

重修黃樓詩和五兄大宗

古蹟經過感慨生黃樓頽圯更堪驚當時豈爲遊觀美

此事須知力役輕無復霸王廳可拆

東坡詩重蹟遺蹟已廢埃惟有黃樓

臨泗水自注云郡有廳事俗謂之霸王廳相傳不可坐僕折之以蓋黃樓

幸逢淮泗水俱平

勞民最得民心處五穀豐收百室盈

附五兄大宗詩

賢守文章感至尊却操畚鍤領黥髡自逢眼底城三

版不負胸中策萬言更建黃樓龍遠邇還携綠酒客

微喧我因修葺增慙愧未有功勲答 主恩

甲寅七月言絕句

五十五歲自題澆堂詩集

惹起虛名因綵筆，粧成老物是霜髭。餘年從此恐無幾，
誰與石屏爲二嚴。鼓石屏祝二嚴詩我老歸故山幾年
落天地間未必是塵土再拜祝二嚴爲我收拾取

呂尚

朝歌市上鼓刀夫，虎變鷹揚絕世無。寄語時人休老老，
須防妾倩笑君愚。

示大孫舒

老知天意厚吾門，詩道將憑詒厥尊。他日若能進家集，
得官應比許公孫。許渾孫因進家集得官見王元之小畜集

題禹生尚基自畫小像飲犢圖

曾持妙技走風塵每遇麀頭鼠目人路上原來褻鄂少
歸家引鏡自傳神

戴笠朝朝向草萊山青水綠興悠哉與牛作伴身將隱
却笑何充老秀才

東坡有贈寫真
何充秀才詩

堆牀金鑒愧從誰押去偏臨飲犢池不自圖形丘壑裏
如今真覺虎頭癡

題喬雲漸小像

丰度翛然迥軼倫幾時疎嬾到冠巾老夫乞食長奔走
愧爾終朝趺坐人

乙卯四言詩

春木四章

汪舟次四十初度詩以相勉

春木將華日新月異今朝我友四十已至詩如陶公無
聞是愧賓客盈堂誰知斯志

我初識君三十未及日月推遷忽爲四十陸生作歌雖

誇體力勲業難成念之怛怛

陸平原五十年歌四十時體
力克壯志方剛跨州越郡

還帝鄉出入承明補太常清酒
漿炙奈樂何清酒漿炙奈樂何

四十始仕聞諸禮經如何我友長守柴荆退亦何辱進

亦何榮曰有老親爵祿難輕

區區爵祿而翁不然翁惜醉賞曾慕魯連凡百事親養

志爲先願崇明德以娛高年

乙卯樂府

新翻子夜歌

郎莫問儂家儂家千樹橘橘有渡淮時儂今伴郎宿
莫笑東家蝶今向西家飛願郎開醉眼看儂顏色稀
懷中有破鏡何日更重圓恐郎嗔念舊柳碎在郎前
郎性哮如虎佩刀復奈何知儂怯上馬教儂長著
籠中雙孔雀飲啄何自然儂歡願如此各得主人憐

後新翻子夜歌

哀難
婦也

昔是宜男草今爲思鄉草聚意向西南不知東北好
胭脂有大罪顏色實誤儂感郎 儂歸不敢更爲容
儂是宦家女郎亦宦家兒買絲繡孟德爲 蔡文姬

施恩山曰十
古無人道出

別郎雖一月身未出鄉關愁郎今夜夢遶上焉支山
儂身值幾錢鷹眼何太許知郎不舍儂故故索高價

吳野人曰發郎
歸雅辭復古絕

乙卯五言古詩

題汪季角舍人三好圖

舍人有三好性類蕭彥瑜音律與書酒缺一不足娛因
命善書者爲入行樂圖圖成先示我不藥老腐儒中有
五妖姬時妝摠不如一姬坐吹簫一姬調箏初一姬閒
按譜細看手爪殊二姬立近前行酒復較書主人方啣
杯醉面微有鬚盛年身強健安閒退食餘買書不論價
黃金到手虛几上所羅列富過於陶朱展翫此圖罷既

喜還躊躇所喜神情肖所慮歲月徂百年易至耳少壯
乃須臾蕭公當暮景三事亦難俱人生貴自足何必擁
羣妹請看楊直講惟一嬌小奴兩幅青布裙長飢縮其
頭三脚木牀上調曲清且適此樂亦尋嘗梅翁家所無
雖無何足傷富貴多庸愚美名天所吝庸福不可居高
才如舍人落紙傳通都應接損精神車馬填其間而况
絲竹邊又自稱酒徒竊顧方剛日預爲衰老謀斟酌三
者間永保金石軀

題程休如小像

圖中巉巖峭壁
上人跏趺其側

丈人家黃山泉石舊相識思之不得見低頭平山側構
園先求石愛其峭且特平生最逶迤雲夢在胸臆所賞

惟嶢削賢者真不測取人能推此豈肯棄孤直行止多
閒趣衣冠亦古式誤擬列仙人爲有好顏色

談長益有錐鐵漢詩烈士暮年遇物不平故其言
如此亦足悲也余乃代錐鐵漢作答詩

但聞匠者歌不聞鬼哭聲匠者誠小人遭侮竊不平只
今道路間白骨紛縱橫問誰使之然凶器令人驚越王
見吳沼趙卒入秦坑豈無刀與戈勝敗非鐵能區區安
足恃謂可立功名金鐵若有知不願爲甲兵願極泉下
土永使世無爭

附談詩

隣有錐鐵漢日夜苦不休汝歌自爲適吾恐鐵生愁

短勿製刀劍長不爲戈矛僅琢五寸釘釘入棺四周
錐鐵鐵有聲其聲似不平終焉沉沒死不得錚錚鳴

勉兒輩學醫

相馬相牛者亦各立其身使兒無處所所愧非賢人

先緒

生曰者列傳子有處所可謂賢人

讀書守章句有志常不伸吾已成自

誤忍復認子孫矧今亂靡定富貴安足云古聖隱卜醫
斯語可書紳審擇二者間惟醫術更仁出能活婦孺入
能壽雙親

中秋夜與同幕者把杯頃刻輒已散去獨坐書室
因念古人遭際不同有感于中詩以言懷遂多所
援引是夜復作家書與諸兒詩亦附示焉

我有同心人各在天一方川塗既云阻歲月復已長尺
書久不來戎馬日倉皇茲焉逢令節何繇共舉觴新知
豈不衆誰可語行藏閱世成皓首愁看意氣場叔牙怨
貪財鍾期辨宮商回念古人事舊交焉能忘

百歲如晨夕形膚非壯年既老不行樂何以異蒙顛抑
鬱翻自今風流不及前學究非所恥句讀苦難捐虞仲
曾文身中清兼中權茲事良難齊將舌聊代田婦娥方
高居妄希哀且憐何因化玉兔依桂永安眠

豫章古名郡徐蘓垂芳譽

蘇子雲和

亭圃悅過客勝蹟載於

書眼中非昔日干戈滿村墟明月照流離我爲涕泗如
豈惟哀郡民亦自悼微軀危亂不遑避骨肉久離居坐

深氣稍寒漏急夜欲徂美彼巢中鳥同類獨相俱

頻歲看明月今秋乃獨明醉問月宮仙母乃時偶亭旣
無浮雲掩不受蝦蟆驚仙人不我答低頭淚縱橫局促
如轅駒幾時萬里行閒置如新婦徒自誇娉婷天運誰
獨泰師道古難輕馬融遇鄭玄王通得房生

月雖照華堂亦復照泥溝安得百年內有樂獨無憂况
愁又無益視酒政如仇但恨坐一室無人互獻酬索紙
作家書將欲寄揚州書中何所道援引頗優魯史稱
至誠其語萬古留靈貊謂可行惟於言行求

乙卯雜言

九十翁歌贈汪觀瀾先生四首

九十翁曾却聘嚴君平翁所敬益州牧雖賢君平常高
眠愛才如史相曾謂人學上史公詩可法聘翁不棄林泉身隱子乃
顯任運惟樂天嚴君平業誰傳不入肆老無錢

施愚山曰昔師古甚

仰此可傳法先主

九十翁心最樂榮啓期翁無忤榮公披鹿裘飢寒非所
憂翁家故自饒於世更何求况復膝下人才名播九州
榮啓期未有兒雖自寬天何知

九十翁不阿意轅固生翁所企固生氣稜稜而責公孫
弘翁亦教其兒曲學恥爲朋身雖老田野頗爲福所憑
轅固生亦可矜雖饒時恐不勝

九十翁齒最半笑張蒼不足豪張蒼多美婦飲乳如黃

口翁不近紅裙歲月亦已久語兒盤中物梨栗也須有
吳野人曰四詩轉折無窮波瀾莫測記明絕州

乙卯七言律詩

病瘧

何時張王病根苗別夏逢秋勢正驕僕爲離家常竊嘆

醫因敬老不須招

總督董公門下有宋趙公諸名醫也

層冰纔苦深千丈

見東方朔異經

十日還愁並一朝忽憶奇人今古少卻衣師道

解衣焦

重陽次劉起宗韻

酒徒何處問高陽佳節關門學退藏瘦並龍鸞日憔悴
老輸離菊晚幽香徂人滿路難求醉殺氣橫秋易下霜

訓罷童蒙成一笑舌耕猶免賦空囊

輓丁彼雲

交游吾最愛龍眠老失知音只自憐共擬雪帆趨大府
忽驚雲馭向高天江流浩浩魂難至夜漏迢迢夢或牽
忍見及門書卷內丹青手蹟尚依然

水落江寒計到遲思君且復讀君詩門牆問訊田園計
幕府經營殫藝貲自爲生前長可敬若論身後莫相悲
武城亂信還如昨曾子而今總不知

乙卯七言絕句

始買洲田作此自嘲

久識人間行路難買田垂老愁江干園中懶種閒花木

只愛劉家黑牡丹唐朱京兆有人到劉清溪客資花乃
黑牡丹也好事者引爲謠柄

題汪叔定小像

國中獨坐解花下看月

覓句閒尋入夜梅詩成獨坐意悠哉豈惟不預百人會

王維詩百人會中身不預

長怕酒人林下來

叔定解者文雅不善飲

二十四橋橋上月法曹東閣閣前梅如今摠在愛園裏
裏消受應須作賦才

示燕穀儀三子

半世高眠老自悲從來勤苦是男兒夙興待旦衆門有
衛武周公白屋誰

泊舟燕子磯夜夢沈姬

熟歷江程愛早眠鐘聲忽上曉來船心慙未有徐生夢

只夢姬人立鏡前

徐文長夢子幾題音圖詩
新夢立閣中遙觀大魚翔

夢生於想想生因燕子磯邊淚滿巾從嫁書生長忍餓

至今將燕比腰身

采石懷古

采石江邊古有堊詩人醉死亦成名伯倫一輩吾難倣
老眼還思見太平

允文安得起論兵

矯制行權事竟成武畧誰如劉太尉

猶言慙愧一書生

與允文謁劉銘門疾鑄排允文手目
朝廷養兵三十年大功乃出一儒生

我輩愧
死矣

阻風望馬當山憶王勃事有作

江鷗飛去又飛還何意相看十日閒客本無心炫文采
逆風憑起馬當山

六月舟過小孤山懷李珣躬親家

纔掛蒲帆午欲過舵工船尾唱吳歌海門第一關前客

宋高宗大書顏其
題曰海門第一關

珣躬名祖修
海門係文學

老客看山忽惘然遠遊曾不避炎天思君正卧北窗下
弟子憑欄邊孝先

舟中望廬山雲起

匡山對面氣溟濛欲上無因途正窮安得囊雲逢帝子
便如弘景在山中

晉獻王每日令人往廬山之巔雲雲
以歸藉小屋曰雲齋草以麻覆每用

焚香一費問弘
景若斷雲贈客

瘡不止

纏綿一鬼太親人隔日相尋已數旬在昔何曾饒杜甫
於今能不念殷均

閒將世事比沉疴聊把艱難訴病魔皮骨僅存肌肉盡
可憐無地避催科

茶因寒胃碗全辭酒自離羣杯懶持只道杜詩能辟瘧
苦遭愚鬼不知詩

枉覓醫家止瘡方人參須買覺空囊勤兵不及行仁義
思益應先用善良

病後林君貺惠人參兼以輕袍共我二絕奉謝

病臥朱門憶舊岑相過出袖有人參不愁再拜難如昨

準擬沉疴起自今

黃菊開殘九月終
枯桑似我獨知風
輕裘與共前賢志
不與尋常意氣同

感龍中孔雀

羽毛雖如命堪憎
舊路千山樹萬層
看爾徒然炫文采
打圍時節不如鷹

見調鸚鵡者有作

隔窗鸚鵡閉雕籠
少語多愁類病翁
一輩優伶俱老大
心情偏不減秦宮

李長吉秦宮詩云
鸚鵡小如鸚鵡

簡林君貺

軒窗最近興須乘
風雨連牀事不能
功過書成肯相示

君既有功過格冊子凡書科頭宴起亦何曾
之所爲夜必書於其上

書齋雜詠

門下生徒未佩鵬臯北絳帳摠難齊講章正待研朱點
人報墻邊日又西

端坐終朝絕欠伸惟愁小子效因循多時未讀蕪黃集
爲伴程朱一輩人

寒宵坐久漏聲催把卷令人憶古來王儉幕中爲上客
馬融門下有英才

師生端坐理殘編火急軍書打鼓傳 古老兵能 語
却來閒立小窗前

問予何術誨童蒙大匠從來規矩同麟趾鳳毛天所與

當時師傅敢居功

明農不早買山遲多病衰翁童子師此手長教親夏楚
閒揮麈尾更何時

戲簡林君貺

執經人退覺身閒月下何曾數往還同看芙蓉依綠水
味同在獨携楊柳似香山

對燈花自嘲

燈花何事喜如斯辛苦浮生只自悲
婆髻似霜頭似雪高門聘作女宗師

示公子

導彖彫朽用功多

元微之戲蔡夢公詩勸彫彫朽木細細傳家良朱戶光陰倍

易過公子也須行灑掃老夫長是愧西河

寄示諸兒

雞鳴書聲一處聞垂髫公子太辛勤因思茅屋嬌兒滿
睡覺牀頭曙色分

自嘲

只爲童蒙力已疲如何更作帝王師太公泉下應相笑
除却釣魚安可爲

答童蒙問號

貧劇何妨稱學究病餘惟可薦臯虛童蒙若問先生號

詩老書淫與酒徒

施愚山曰先生六字衍

冬至有悼

荔挺芸芳喜得春踐長迎福本茲辰衰年獨有驚心處

進襪人今少一人

大兒婦李氏海門文學社修字峨嵋

矣

登清女儀近古婦人常以冬至日進履禮上舅姑踐長至之義也

總督公衙中書屋漏甚蚤起雪滿牀几戲成一絕

屋如舟小瓦如蓬釣叟從來慣雪風只怪候門深處坐

何曾準備敗天公

本草呼敗至爲敗天公以天形如蓋而冒地之表也